

*Nacrt*

## **DOZVOLA ZA RAD - LICENCA**

### **ZA OBAVLJANJE ELEKTROPRIVREDNE DJELATNOSTI SNABDIJEVANJA ELEKTRIČNOM ENERGIJOM DRUGOG REDA**

NAZIV PRIVREDNOG DRUŠTVA:

**RE Energija d. o. o. Sarajevo**

SJEDIŠTE PRIVREDNOG DRUŠTVA:

**Fra Andela Zvizdovića 1, 71000 Sarajevo**

IDENTIFIKACIONI BROJ DRUŠTVA: **20138360008**

REGISTARSKI BROJ DOZVOLE: **06-03-720/19/09**

PERIOD VAŽENJA DOZVOLE:

DATUM:

---

Zdenko Šimunović,  
Predsjednik FERK-a

---

Đulizara Hadžimustafić,  
Član FERK-a

---

Risto Mandrapa,  
Član FERK-a

## USLOVI DOZVOLE

### 1. OPŠTE ODREDBE

- 1.1. Regulatorna komisija za električnu energiju u Federaciji Bosne i Hercegovine (FERK) izdaje dozvolu za obavljanje elektroprivredne djelatnosti snabdijevanja električnom energijom drugog reda privrednom društvu RE Energija d.o.o. Sarajevo (u daljem tekstu: imalac dozvole) u skladu sa Pravilnikom za izdavanje dozvola-licenci (Službene novine Federacije BiH 29/05), a na osnovu zahtjeva podnesenog 14.7.2009. godine.
- 1.2. Sjedište imaoaca dozvole: Fra Anđela Zvizdovića 1, 71000 Sarajevo  
Telefon: 033 942 300, Faks 033 942 301
- 1.3. Lice ovlašteno za zastupanje je direktor.  
Telefon broj: 062 340 043, Faks broj: 033 942 301  
Elektronska adresa: Kenan.Hadziahmetovic@repower.com
- 1.4. Dozvola za rad – licenca stupa na snagu danom donošenja i važi dvije godine tj. do                      godine.

### 2. DEFINICIJE

Riječi i izrazi u ovoj dozvoli imaju značenje koje im je dato Zakonom o električnoj energiji Federacije BiH (Službene novine Federacije BiH broj 41/02, 24/05, 38/05 i 61/09), kao i pravilima i propisima FERK-a.

### 3. OBAVLJANJE LICENCIRANE DJELATNOSTI

- 3.1. Imalac dozvole ovlašten da obavlja djelatnost snabdijevanja električnom energijom drugog reda (trgovina, posredovanje i zastupanje na tržištu električne energije) na svim naponskim nivoima.
- 3.2. Imalac dozvole ima pravo da obavlja djelatnosti snabdijevanja električnom energijom drugog reda na teritoriji Bosne i Hercegovine.
- 3.3. Ukoliko imalac dozvole uvozi ili izvozi električnu energiju, obavezan je da pribavi dozvolu za međunarodnu trgovinu koju izdaje DERK.

## **4. OBAVEZE IMAOCA DOZVOLE**

### **4.1. Zakoni, propisi, tehnički standardi i odobrene tarife**

- 4.1.1. Imalac dozvole dužan je da se pridržava se svih važećih zakona, podzakonskih akata, tehničkih propisa, pravilnika i standarda, te pravila i propisa FERK-a i DERK-a, kao i uslova ove dozvole, direktiva EU i međunarodnih ugovora koje je prihvatila BiH.
- 4.1.2. Imalac dozvole dužan je da poštuje važeće tarife koje utvrđuju FERK i DERK, a koje su primjenjive za njegove transakcije.

### **4.2. Pristup mreži**

Imalac dozvole ili njegov kupac (kako se dogovore) dužan je da zaključi ugovor o korištenju distributivne, odnosno prenosne mreže, u cilju obezbjeđenja prava korištenja njihovih kapaciteta.

### **4.3. Urednost snabdijevanja**

Imalac dozvole obavezan je da uredno snabdijeva električnom energijom svoje kupce u skladu sa ugovorom o kupoprodaji.

### **4.4. Pružanje informacija za DERK, FERK, NOS BiH i RERS**

- 4.4.1. Imalac dozvole dužan je da dostavi sve tražene informacije o planiranim nabavkama i tranzitu električne energije nadležnom Operatoru distributivnog sistema, NOS-u BiH, FERK-u, DERK-u i RERS-u, a naročito i podatke vezane za uvoz i izvoz električne energije. Kopiju izvještaja i podataka koje imalac dozvole dostavlja drugim učesnicima u elektroenergetskom sektoru, dužan je da dostavi FERK-u.
- 4.4.2. Imalac dozvole dužan je da poštuje dozvolu za međunarodnu trgovinu, ukoliko je izdata od DERK-a, da trajno ispunjava zadate uslove i izvještava FERK o svim promjenama navedene dozvole.

#### **4.5. Kvalitet električne energije**

- 4.5.1. Imalac dozvole prilikom ugovaranja nabavke električne energije mora da ugovara električnu energiju koja odgovara zahtjevima kvaliteta definisanih važećim standardima.
- 4.5.2. Imalac dozvole dužan je da obavlja licenciranu djelatnost u skladu sa opšteprihvaćenom domaćom i međunarodnom praksom.
- 4.5.3. Imalac dozvole dužan je da obezbijedi kupcima isporuku električne energije standardnog kvaliteta.

#### **4.6. Obim kupovine/prodaje električne energije**

- 4.6.1. Imalac dozvole obavezan je da dostavi FERK procjenu obima kupovine i prodaje električne energije za kvalifikovane kupce s godišnjom potrošnjom iznad 10 GWh do 1. jula tekuće godine za narednu godinu, a za sve ostale kupce do 30. septembra tekuće za narednu godinu.
- 4.6.2. Imalac dozvole ne smije da unutar Bosne i Hercegovine nabavlja električnu energiju od pravnih subjekata koji ne posjeduju dozvolu za obavljanje elektroprivredne djelatnosti.

#### **4.7. Broj i spisak kupaca po naponskim nivoima**

Imalac dozvole dužan je da svake godine 31. januara dostavlja FERK-u pregled nabavljene i prodane električne energije po naponskim nivoima s pojedinačnim spiskovima kvalifikovanih kupaca i njihovom potrošnjom električne energije u prethodnoj godini.

#### **4.8. Mjerenje**

Imalac dozvole je dužan da odgovarajućim ugovorima sa distributerima i ugovorima sa Elektroprenosom a.d. Banja Luka i NOS BiH-om obezbijedi tačnost podataka o sveukupno nabavljenoj, odnosno prodatoj električnoj energiji potrebnih za izradu faktura.

#### **4.9. Fakturisanje**

Imalac dozvole fakturisanja isporučene električne energije vrši u skladu sa kupoprodajnim ugovorima između imaoca dozvole i kupaca.

#### 4.10. Obaveza uspostave kancelarije

Imalac dozvole dužan je da u svom poslovnom sjedištu obezbijedi poslovne prostorije, kao i da bude tehnički opremljen za obavljanje djelatnosti snabdijevanja električnom energijom drugog reda. Poslovno sjedište, brojevi telefona i faksa će biti navedeni na poslovnom pismu društva.

#### 4.11. Tržišna pravila

- 4.11.1. Imalac dozvole obavezan je da poštuje i primjenjuje Tržišna pravila.
- 4.11.2. Imalac dozvole je dužan da uredi svoje odnose s drugim učesnicima na tržištu električne energije u skladu sa propisanim pravilima.
- 4.11.3. Imalac dozvole je dužan da se odnosi prema kupcima na fer i nediskriminirajući način.
- 4.11.4. Imaocu dozvole nije dozvoljeno da provodi bilo kakve protukonkurentske aktivnosti, zloupotrebljava tržišnu moć ili vrši manipulaciju tržištem električne energije, a u skladu sa Zakonom o konkurenciji (Službeni glasnik BiH broj 48/05, 76/07 i 80/09).
- 4.11.5. Imalac dozvole dužan je da poštuje i zakonske propise iz oblasti snabdijevanja električnom energijom, prati propise i norme, kao i komercijalna i druga pravila koja se odnose na snabdijevanje električnom energijom i da uskladi poslovanje sa eventualnim promjenama istih.
- 4.11.6. Imalac dozvole je dužan da se registruje kod balansno odgovorne strane i uredi odnose s ostalim članovima balansne grupe, u skladu sa tržišnim pravilima.

#### 4.12. Izvještavanje

- 4.12.1. Imalac dozvole dužan je da na godišnjom nivou dostavlja FERK-u planove preuzimanja i isporuke električne energije po naponskim nivoima i nazivima kupaca i snabdjevača, kao i izvještaj o realizaciji planova.
- 4.12.2. Imalac dozvole dužan je da FERK-u dostavi sve finansijske izvještaje i izvještaje o zaključenim ugovorima o snabdijevanju električnom energijom drugog reda na teritoriji Bosne i Hercegovine odmah nakon zaključenja istih.
- 4.12.3. Dostavljeni izvještaji, trebaju da sadrže podatke i informacije o cijenama i količinama ugovorene električne energije, bilo da se radi o kupnji od proizvođača ili drugih snabdjevača drugog reda ili prodaji drugim snabdjevačima odnosno kupcima električne energije.
- 4.12.4. Sve navedene podatke i izvještaje imalac dozvole dužan je da dostavi u rokovima koje mu utvrdi FERK, u pisanoj formi, potpisane i ovjerene, te u elektronskoj formi na CD-u.

## **5. RAČUNOVODSTVENE AKTIVNOSTI**

Imalac dozvole dužan je da vodi poslovne knjige i radi finansijske izvještaje za elektroprivrednu djelatnost snabdijevanja električnom energijom drugog reda, odvojeno od ostalih djelatnosti ukoliko se njima bavi, u skladu sa Zakonom o električnoj energiji, propisima o međunarodnim računovodstvenim standardima i međunarodnim standardima finansijskog izvještavanja.

## **6. FINANSIJSKI INTEGRITET I STABILNOST IMAOCA DOZVOLE**

Imalac dozvole dužan je da obezbijedi dovoljna finansijska sredstva ili finansijske garancije, kao potvrdu svoje solventnosti i likvidnosti, u onom odnosu koji obezbjeđuje neprekidno obavljanje djelatnosti snabdijevanja električnom energijom drugog reda.

## **7. KVALIFIKACIONA STRUKTURA OSOBLJA IMAOCA DOZVOLE**

Imalac dozvole obavezan je da upošljava osoblje prema broju i kvalifikacionoj strukturi neophodnoj za nesmetano, bezbjedno i kvalitetno poslovanje imaoca dozvole.

## **8. NAPUŠTANJE ILI IZMJENA AKTIVNOSTI**

- 8.1. Imalac dozvole obavezan je da obavlja djelatnosti navedene u dozvoli. Ukoliko u toku obavljanja djelatnosti nastupe okolnosti zbog kojih imalac dozvole opravdano ne može da obavlja djelatnosti navedene u dozvoli, dužan je o tome, bez odlaganja, da obavijesti FERK.
- 8.2. Imalac dozvole ne može bez prethodnog odobrenja FERK-a da napusti ili izmijeni djelatnost snabdijevanja električnom energijom drugog reda.

## **9. NADGLEDANJE**

- 9.1. U okviru svojih nadležnosti FERK vrši nadgledanje ispunjenja uslova iz ove dozvole.
- 9.2. U cilju nadgledanja ispunjenja uslova iz ove dozvole, imalac dozvole je obavezan da dostavlja podatke u skladu sa tačkom 4.12. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u FBiH, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a.
- 9.3. Imalac dozvole je obavezan da obavijesti FERK o svakoj povredi uslova dozvole u roku od 10 dana od saznanja da je došlo do povreda.

- 9.4. Ovlašteno osoblje FERK-a ima pravo da obavlja redovno i vanredno nadgledanje u prostorima imaoaca dozvole, da bi izvršio uvid u obavljanje elektroprivredne djelatnosti po obavezama datim u dozvoli.
- 9.5. Imalac dozvole je obavezan da saraduje sa FERK-om u toku pripreme i prilikom obavljanja nadgledanja.

## **10. IZMJENA, DOPUNA, PRENOS, OBNAVLJANJE I ODUZIMANJE DOZVOLE**

- 10.1. Imalac dozvole dužan je da, 180 dana prije isteka ove dozvole podnese zahtjev za obnavljanje dozvole za djelatnost snabdijevanja električnom energijom drugog reda.
- 10.2. U toku perioda važenja dozvole, a na zahtjev imaoaca dozvole ili na inicijativu FERK-a moguće je otvoriti proces izmjena, dopuna, prenosa ili oduzimanja dozvole u skladu sa članovima 42, 43. i 44. Pravilnika za izdavanje dozvola-licenci FERK-a.

## **11. SANKCIJE**

Ukoliko FERK zaključi da imalac dozvole nije ispoštovao ili krši uslove dozvole, poduzima sljedeće aktivnosti:

- a) opominje imaoaca dozvole o evidentiranim nepravilnostima,
- b) podnosi prekršajni nalog,
- c) pokreće postupak oduzimanja dozvole.

## **12. RJEŠAVANJE SPOROVA**

- 12.1. Imalac dozvole dužan je redovno da izvještava FERK o sporovima koji se vode pred nadležnim sudovima vezano za snabdijevanje električnom energijom drugog reda.
- 12.2. Imalac dozvole dužan je da saraduje s FERK-om u rješavanju sporova koje treće strane povedu pred FERK-om protiv imaoaca dozvole, a u vezi sa djelatnošću imaoaca dozvole.

## **13. UGOVORI**

- 13.1. Imalac dozvole je, na zahtjev FERK-a, dužan da dostavi informacije o zaključenim ugovorima, kao i o svim izmjenama ili produženjima ugovora. FERK ima pravo da traži da mu imalac dozvole dostavi i kopije svih zaključenih ugovora.

- 13.2. Imalac dozvole je dužan da zaključi ugovore o korištenju distributivne mreže i ugovore o korištenju prenosne mreže u svrhu trgovačkih transakcija i snabdijevanja kvalifikovanih kupaca električnom energijom.
- 13.3. Imalac dozvole dužan je da zaključi ugovore u skladu sa odredbama Mrežnog kodeksa, tržišnih pravila i Opštih uslova za isporuku električne energije uključujući: ugovor o snabdijevanju i ugovor o odgovornosti za balans s BOS-om.
- 13.4. Imalac dozvole dužan je po zaključenju ugovora, odnosno njegovog produženja ili nakon promjene istog, da dostavi potrebne nekomercijalne elemente ugovora o snabdijevanju, prenosnoj kompaniji, NOS-u BiH i/ili ODS-u i BOS-u.

#### **14. KOMUNIKACIJA**

- 14.1. Korespondencija između imalca dozvole i FERK-a obavlja se u pisanoj formi.
- 14.2. Imalac dozvole dužan je da dostavlja dokumentaciju i informacije FERK-u u originalu ili u ovjerenoj kopiji, ne starijoj od 60 dana.
- 14.3. Dokumentacija i informacije mogu biti dostavljene i telefaksom ili elektronski, pod uslovom da original ili ovjerena kopija budu dostavljeni lično ili poštom na adresu FERK-a, najkasnije u roku od 8 dana od dana dostave telefaksom ili elektronski.
- 14.4. Imalac dozvole je dužan da obavještava FERK o svim značajnim izmjenama u pravnom okviru, sudskim odlukama, dešavanjima ili ugovorima koji imaju uticaja na djelatnost snabdijevanja električnom energijom drugog reda.
- 14.5. Sve informacije koje imalac dozvole dostavlja FERK-u moraju biti potpisane i ovjerene od ovlaštenog lica, koje svojim potpisom potvrđuje tačnost i istinitost dostavljene informacije.

#### **15. TAJNOST PODATAKA**

- 15.1. Za informaciju koju pred FERK-om traži zaštitu povjerljivosti, imalac dozvole je obavezan blagovremeno da podnese zahtjev za zaštitu povjerljive informacije, u suprotnom dostavljena informacija će se smatrati javnom.
- 15.2. FERK procjenjuje i donosi odluku o povjerljivosti podataka za koje je tražena navedena zaštita u skladu sa Pravilnikom o javnim raspravama i rješavanju žalbi FERK-a i Pravilnikom o zaštiti povjerljivih informacija.

#### **16. REGULATORNA NAKNADA**

- 16.1. Imalac dozvole dužan je da plaća regulatornu naknadu za obavljanje djelatnosti snabdijevanja električnom energijom drugog reda u iznosu koji utvrdi FERK posebnom odlukom.
- 16.2. Regulatorna naknada se plaća tromjesečno.